



CREATE

E-Buletin

Teknologi untuk Masyarakat

Info Sekitar Kampus



UMPSA terima kunjungan delegasi Jabatan Pendidikan Negeri Johor

14 August 2023

PEKAN, 10 Ogos 2023 - Universiti Malaysia Pahang Al-Sultan Abdullah (UMPSA) menerima kunjungan delegasi daripada Jabatan Pendidikan Negeri Johor sempena dengan Lawatan Verifikasi Industri Program Anak Angkat Penasihat Kerjaya Jabatan Pendidikan Negeri Johor baru-baru ini.

Delegasi itu diketuai oleh Guru Bimbingan dan Kaunseling merangkap Penasihat Kerjaya Sekolah Menengah Kebangsaan Bandar Kota Tinggi, Ibrahim Ya'akub bersama 29 orang Penasihat Kerjaya dan Guru Bimbingan melibatkan 30 buah sekolah di sekitar Negeri Johor.

Ketibaan delegasi itu di perkarangan UMPSA disambut oleh Timbalan Naib Canselor (Akademik dan Antarabangsa), Profesor Ir. Ts. Dr. Ahmad Ziad Sulaiman.

Turut sama Pengarah Pusat Pemasaran dan Kemasukan Akademik, Zainal Bahari.

Menurut Ibrahim, kunjungan delegasi ke UMPSA ini bertujuan untuk mendapatkan informasi pendidikan bagi peluang menyambung pelajaran ke peringkat universiti untuk pelajar lepasan Sijil (Pelajaran Malaysia (SPM) serta Sijil Tinggi Pelajaran Malaysia (STPM).



Pihaknya berterima kasih kepada UMPSA yang menyambut baik kunjungan ini dan banyak informasi diperoleh terutamanya dalam aktiviti yang dijalankan sepanjang program berlangsung iaitu sesi Dialog UMPSA, Sesi Taklimat bersama TNC(A&A) dan berpeluang melawat makmal di Fakulti Teknologi Kejuruteraan Mekanikal dan Automotif (FTKMA).

Sementara itu, Profesor Ir. Ts. Dr. Ahmad Ziad dalam ucapannya menzahirkan ucapan terima kasih kepada Jabatan Pendidikan Negeri Johor yang memilih UMPSA sebagai destinasi penganjuran program.



“Maklumat sebegini amat penting untuk pihak sekolah bagi membantu memberi kefahaman kepada pelajar lepasan SPM ataupun STPM yang ingin melanjutkan pengajian di universiti yang dipilih,” katanya.

Selain itu, menerusi program sebegini banyak maklumat yang dapat dikongsikan bersama guru-guru terutamanya dalam program Kejuruteraan dan Teknologi yang ditawarkan di universiti ini.

Disediakan oleh: Siti Nur Azwin Zulkapri, Pusat Komunikasi Korporat

TAGS / KEYWORDS

[Jabatan Pendidikan Negeri Johor](#)

Sidang Editorial **CREATE** E-Buletin
Teknologi untuk Masyarakat

PENAUNG

Profesor Dato' Ts. Dr. Yuserrie Zainuddin

KETUA EDITOR

Mimi Rabita Abdul Wahit

EDITOR

Safriza Haji Baharuddin

WARTAWAN/PENULIS

Nor Salwana Mohammad Idris
Nur Hartini Mohd Hatta
Hafizatulazlin Abdul Aziz

PENTADBIR WEB

Mohd Suhaimi Hassan

PEREKA GRAFIK

Noor Azhar Abd Rasid

JURUFOTO

Khairu Aidilnisha Rizan Jalil
Zaffaruddin Hamzah

Sidang Editorial berhak melakukan penyuntingan terhadap tulisan yang diterima untuk penyiaran selagi tidak mengubah isi tulisan. Karya yang disiarkan tidak semestinya menggambarkan atau mencerminkan pendapat dan sikap buletin Create. Karya yang disiarkan tidak boleh diterbitkan semula tanpa kebenaran oleh Ketua Editor. Segala sumbangan yang dikirimkan sama ada disiarkan atau tidak, tidak akan dikembalikan. Sumbangan karya boleh dihantar melalui e-mel kepada Pusat Komunikasi Korporat (PKK), Jabatan Canseleri di:

EDITOR

Pusat Komunikasi Korporat
Jabatan Canseleri
Universiti Malaysia Pahang Al-Sultan Abdullah
26600 Pekan, Kuantan
Tel : 09-431 5000
E-mel : pro@ump.edu.my

ISSN: 1823-7487



9 771823 748004